

日美戰爭之預測

郭紹宗

緒論

德國敗，俄國崩，法意落伍，今日之世界，一英美日之世界也。

美國移民制限律通過國會，然海軍舉行太平洋大演習，英國擴張新加坡軍港，日本準備國家總動員，增兵『滿蒙』，……三國之目標，一第二次之世界戰爭也。

英國現持親美主義，凡事俱仰美國鼻息，維持消極政策。廢棄英日同盟，即其最顯著之一証。嗣英美海軍問題，雖始以三國會談之失敗，繼以英法協定之發表，終以美國上院造艦程序之通過，空氣不佳，而要無大害。對於東洋及澳洲方面，軍事上弱點甚大。歐戰創巨痛深，國民渴望平和之念又甚強，就現在言，其無向日積極挑戰之意志，殆

可斷言。而所謂美日兩國者，對英亦力待親善主義，報聘之使，不絕於途，縮軍之聲，頻震耳鼓。一方欲維持英日同盟之精神，一方有『血比水濃』Blood is thicker than water)之心理。在英日戰爭前，英及英日間，當均不至有何等影響國交之齟齬，亦屬顯而易見。所餘者惟有美日，是二國者，屹立於太平洋之兩岸，政治上經濟上之錯綜關係，均根本衝突。爭霸太平洋海權，尤為其國策上之目標。其在太平洋上，早晚必有一龍爭虎鬪之塵戰，不特為各國之預言家所肯定，即世界之文學家，政治家，亦異口同聲，僉謂可能。近如日美戰爭未來記，日美若戰，日美戰爭乎，太平洋之爭霸戰，日美衝突之必至與國民之覺悟等書，汗牛充棟，層出不窮，即其一徵。噫國際平和，癡人之說夢，戰爭絕滅，一黃河之待消，今日之世界固仍一優勝劣敗，弱肉強食之時代也。設使美日戰爭不幸爆發，吾國國運所關，影響甚鉅，應付稍一不慎，即難免不鑄造大錯，陷國家於萬劫不復之地域。瞻念外艱，憂心如搗，用作是書，以供參考。

第一章 美國之假想敵國

凡國皆應有國防，有國防即不能無假想敵國。美國之假想敵，先原爲『世界第二位之海軍，』並未指明係某特定國。蓋當時世界第一之海軍國爲英吉利，此項發表乃係表示與英無事，但對次於英國之海軍則不欲落後也。惟此次於英國之海軍國果爲何國乎？曰當然爲德意志。顧美與德國，並無戰爭之懸念，又無兩不並容之利害關係，何以目標特別向德乎？曰此則純爲便宜手段之一種：因若欲充實海軍，非有目標則不足以應付內政也。斯種假想，迂遠架空，觀念散漫，其不足以刺激國民之心胸也，至爲顯明。夫以年投數億之巨費，建造海軍，而相手國僅乃爲『世界第二位』云云，既無以答覆人民之質詢，又烏能以使彼樂輸而不吝，於是美國政府乃不得不另立目標，補此缺憾，『東洋』二字乃應時而出。一九一五年間，美國海軍之充實目標——即假想敵國，遂復於『世界第二位』之外，另加以『東洋』二字。達尼埃爾氏之第一次三年計畫，所謂以費用十億圓，建造戰艦十隻，巡洋戰艦六隻以下百五十六隻，共八十一萬三千噸之空前大擴張計畫，純係以『日本』爲假想敵國，而成立。至『世界第二位』云云，反爲陪襯，僅止於名而已。今將達尼埃爾氏三年計畫案，當時議會之討論記錄，摘述如右，以資左証。

(一) 上院委員長洛基氏言：

『巴拿馬運河，以間諜一人，即可破壞。吾人不僅對於大西洋，對於太平洋亦不可不大加防備。』

(二) 上院海軍委員長斯布林氏言：

『美國國防主力爲海上之武力，無此則孟羅主義爲空文。對華問題之最良方策，亦不外爲大海軍之建設及維持。請看西方侵畧之隣邦，非正虎視耽耽，睨視菲律賓耶！』

(三) 民主黨領袖威斯氏言：

『日本申樞東驅逐德國之真意，厥爲實行亞細亞人之亞細亞。美國將來非與此項政策衝突不可。』

(四) 亞細亞艦隊長官拿多提督氏言：

『美國之海軍，欲與世界第一位之海軍同等……太平洋美國之責任重而且大。今後二十五年以內，太平洋果能無世界的大事件乎？美國與他國衝突之原因有四：孟羅主